

Cêre da Pasca: studêntes y studênc dla 3a mesana é inviá da gní a fá le cêre da Pasca en vëndres, ai 07 de aurí dales 15:00 tl local Kerygma tla Ciasa Runcher. Maria, Agnese y Tarejia i insegnará jö y vignun/üna podará fá na picera ciandëra da Pasca da porté a ciasa.

Rames de Orí: la schira jonila se incunta en sabeda, ai 08 de aurí dales 09:00 te local di jogh por mêt adüm i poc de orí por la comunité. Ince geniturs y atri é inviá da gní a daidé.

Lëgn dal Orí: ministranc y scolars é inviá en sabeda, ai 08 de aurí dales 13:00 dan local di stüdafüch por arjigné ca le lëgn dal Orí. Al vëgn ince perié sce valgügn geniturs podess gní a daidé.

Oferta: jodapé de dlíja ciáfëise la cassëta por l'offerta de Carsëma. Dër bel giulan d'offerta d'ultima domënia de 248,70 € che vá al Vinzentinum.




En mercui, ai 05.04.2017 complësc **Malia Irsara Pedratscher** da S.Linert **84** agn y en jöbia ai 06.04.2017 **Trinele Pizzinini Valentini** da Pedraces **81** agn. Le Senioreclub y düta la Comunité ti aoda düte le bun, sanité y benedisciun de Dî.

Un pozzo per la vita, aiutiamo l'Africa in Africa: sëra de informaziun y sensibilisaziun, en jöbia ai 6 de aurí dales 20:00 tla Scora Mesana da La Ila. Le KVV da La Ila inviëia düc canc y al sará Alpidio Balbo y Roberto Vivarelli dl Gruppo Missionario di Merano che cuntará sües esperienzes.

Curs da cujiné spëisa locala zënza glutin: les sabedes ai 8 de aurí y ai 20 de ma dales 14:00 ales 17:00 te scolina a Badia. Referënta sará Magdalena Steger y les prenotaziuns vëgn tutes sö al nr. 338 4886447.

Sëra de informaziun dal tema "Mens sana in corpore sano" ai 04 de aurí dales 20:00 te scora mesana a La Ila cun Elisabeth Oberbacher. Le Consëi de Formaziun dl Comun de Badia inviëia düc canc.

Referat cun informaziun sura prevení y curé le me de spiné cun la fisioterapista Gius Giuseppina en jöbia ai 6 de aurí dales 15:00 tl'entrada dla Ciasa de Palsa a San Martin de Tor.



Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org

Ann „A“ 02.04. - 09.04.2017 5ª Domënia de Carsëma n. 19

*La risurrezione di
Lazzaro è un segno
donato per suscitare
la fede in Colui che è
la risurrezione e la
vita!*



Vangele dla domënia dal Ori dl ann „A“

Mati 21.1-11

Canche Gejù è rové cun sü acompagnadus nia dalunc da Ierusalem a Bëtfaghe söla Munt dl Orí, ál ortí dui discepuj danfora y ti á dit: Jide tl paisc che é dan os; dailó ciararëise na müscia tacada y n polorin lapró. Destachédela, y condejédemla! Y sce zacai ess da ves dl val', spo respognede: Le Signur l'adora, al la lascia defata condüje derevers. Chësc é sozedü por ch'al s'adempliss ci che é gnü dit tres le profet: Dijedi ala fia de Sionn: Ciara, to re vëgn da te. Al ô la pesc, y al raita sön na müscia y n polorin, söl polorin de n tier da port. I discepuj é jüs y á fat ci che le Signur ti á dé sö. Ai á condüt la müscia y le polorin, á metü sü guanc sön chisc y spo s'ál senté lassura. Tröpa jënt destenô sü guanc ia por strada, d'atri taiâ jö rames dai lëgn y les sternô ia por tru. La jënt, che jö danfora y che ti gnô do, scraiâ: Osanna al Fi de Davide! Benedí sides ël, che vëgn tl inom dl Signur. Osanna tl plü alt dl cil! Canch'al é jü ite te Ierusalem, s'á döta la cité emozioné y an damanâ: Che é pa chësc? La jënt dijô: Chësc é le profet, Gejù da Nazaret tla Galilea.

FUNZIUNS SACRES

02.04. 5^a DOMÈNIA de CARSÈMA - ann A

- 10.00 Mèssa por la Comunità
15.00 Via Crucis
18.00 †to Pasquale Piccolruaz - aniversar
†ti Nane y Lois Frena - aniversar
por fam. Erica Canins y defunc dla familia

03.04 Lünesc - S. Richard
07.30 *Les Laudes*

04.03. Mertesc – S. Isidor
19.30 †to Giovanni Valentin (Haus Valentin) - aniversar
†ta Erna Nagler
vis y †ti Soppera dla fam. de Franz Thaler

05.04. Mercui - *Mèssa cun i scolars dla elementara*
07.30 †to Giorgio Valentini - aniversar
†ta Stefania Irsara de Parüs - aniversar
por fam. Sandro y Carla Irsara

06.04. Jöbia - *Mèssa cun i crejimá y crejimanc*
19.30 †ta Angela Costa
†ti Pitscheider da Oies
por fam. Milio y Carolina Pizzinini

07.04. Vëndres – **Prüm vëndres dl mëis**
07.30 †to Sepl Pizzinini
†ti dla fam. Sepl y Tarejia Frenademetz
por les animes plö arbandonades
18.00 Via Crucis (*cun ministranc, crejimanc y scolars*)

08.04 Sabeda
16.00 Mèssa a Oies

09.04. DOMÈNIA dal ORÍ - ann A

- 10.00 *Dan colonia:* Benedisciun dl Orí y prozesciun te dlijia
Mèssa por la Comunità cun letöra dla Pasciun
15.00 Ora de adoraziun
18.00 †ta Angela Dariz - aniversar
†to Sepl Frenademetz da Oies - aniversar
por fam. Urban y Tecla Irsara

Dala VITA dla CÜRA

Confesciuns tl tëmp de Carsèma: vigni domènia dales 17:00 inant y ince sö Oies (dandadüt le vëndres do mèssa) éle ocajiun da se confessé.

Lünesc, ai 3 de aurí - Confesciuns por Pasca

cun siur Hans Maneschg

dales 14:30 por les èles y duc (an prèia do na oferta por la uniun dles èles)
dales 16:00 por i scolars y studènc dla scora mesana y scora alta
dales 20:00 pori èi y jogn y duc chi che ne pó nia domisdé.

Comuniun ai amará: ala ti vègn portada en jöbia y en vëndres de chèst'edema dales 09:30 inant.

Él mo ciamó zacai che dejidrass i Sacramènc da Pasca te ciasa (la Comuniun a ciasa) ?
siur degan

I ministranc, crejimanc y scolars é invia en vëndres, ai 07 de aurí dales 17:30 te dlijia por arjigné ca la Via Crucis.

Curs de preparaziun al maridé: al vègn organisé dal Sorvisc ai Jogn dai 21 ai 23 de aurí 2017. Les iscriziuns vègn tutes sö al nr.0474/523070.

“Fá para! A ci podessi pa renunzié ? » L'Unité Pastoral Val Badia inviä duc a fá deplü fora dla Carsèma. Jon fora da na Parora dl vangeli dla domènia metunse dant edema por edema na proposta concreta por valorisé danü la ligrèza y la speranza liada ala Bona Noela. Les esperiènzes pó gní partides con i atri les publican sön facebook (Gruppe: AktionVerzicht - lo rinuncio) o internet (www.aktion-verzicht.net)



02 - 09 de aurí

“Canche Maria á aldí chësc, éla atira lovada sö y é jüda da d'ël”
Jan 11,29

Tan gonot ch'i á vertores por ne aldí nia le messaje dla parora de Dî. I prôi da lové sö da mia comodité y da me fá plö sterch/sterscia tla fede ince cun santifiché le de dl Signur.